



Bahá'u'lláh

Utukufu wa Mungu






**Bahá'u'lláh alizaliwa tarehe 12 Novemba 1817 huko Tíhrán, mji mkuu wa Iran.
Kutoka utoto, Wake alionyesha dalili za ukuu. Alipata kiasi kidogo cha mafunzo nyumbani,
lakini hakuhitajikwenda shule, kwa kuwa alikuwa amejaliwa na Mungu elimu ya kiasili.**



Usiku mmoja, baba Yake alipata ndoto ambapo alimuona Bahá'u'lláh akiogelea kwenye bahari. Nuru ambayo ilitoka katika mwili Wake ilianguka kwenye maji. Nywele zake ndefu nyeusi zilielea katika kila pembe na kundi kubwa la samaki lilimfuata, kila mmoja akishikilia kwenye ncha ya unywele. Alikwenda kwa uhuru na bila kuzuiliwa. Ndoto hii ilikuwa mojawapo kati ya ishara nyingi za hatima kuu ambayo ilikuwa ikimsubili Bahá'u'lláh.



Baadaye alipokuwa kijana, alipewa nafasi ya juu katika baraza la mfalme lakini alikataa. Alitaka kutumia muda Wake katika kuwasaidia wanyonge, wangonjwa na maskini, na kutetea hoja ya haki.



Alipokuwa na umri wa miaka 27, Bahá'u'lláh alipokea hati ya Maandiko kutoka kwa Báb, Mjumbe mpya wa Mungu, Ambaye alikuwa akiwatayarisha watu kwa ajili ya kuja kwa Mwahidiwa wa Wakati Wote. Bahá'u'lláh aliukubali Ujumbe wa Báb na kuwa mmoja wa wasaidizi Wake wenye nguvu kabisa.



Watu wa mamlaka, kwa kutotaka Ukweli uliotajwa na Báb, walianza kuwakamata wale waliomuamini Báb, na hapo ndipo mateso ya Bahá'u'lláh yalipoanza. Katika mwaka 1852, alikamatwa na kufungwa minyororo kwenye moja kati ya magereza mabaya ya Tíhrán.



Katika gereza hili, Mungu alimfunulia Bahá'u'lláh kuwa alikuwa Yule aliyehahidiwa na Báb na Mitume wote waliopita. Kutoka katika shimo hili la giza Jua la Ukweli lilichomoza, likiangazia ulimwengu na kuanzisha Siku mpya katika maisha ya jamii ya wanadamu.



Baada ya miezi minne ya kifungo, serikali ilimhamisha Bahá'u'lláh kutoka nchi aliyozaliwa. Kwenye majira ya baridi kali, Bahá'u'lláh na familia Yake walifanya safari ndefu kutoka Tíhrán hadi Baghdád.



Huko Baghdád, umashuhuri wa hekima ya Bahá'u'lláh ulienea pande zote. Watu wa kila tabaka walisongamana kwenye nyumba Yake, wakitafuta msaada Wake na ushauri. Serikali, ambayo ilikuwa ikiogopa uwezo wa Bahá'u'lláh, iliamua kumuhamisha hata mbali zaidi na kutoka nyumbani Kwake.



Bustan ya Ridván

Aprili 1863

Kabla ya kuondoka Baghdád, Bahá'u'lláh alitumia siku kumi na mbili katika bustani nje ya mji, ambapo msururu wa wageni walikuja kumuaga. Katika bustani hii, Bahá'u'lláh Alitangaza kuwa Alikuwa Mdhahirishaji wa Mungu wa Siku hii. Kwa karne zijazo, kipindi hiki cha siku kumi na mbili za mwezi Aprili zitasherehekewa kama Sikukuu za Ridván, kumbukumbu ya Tangazo la Dhima ya Bahá'u'lláh ikumbatiayo ulimwengu mzima.



Sultáni 'Abdu'l-'Aziz
wa Ufalme wa Ottoman



Nicolaevitch Alexander II
Czar wa Urusi



Francis-Joseph,
Mfalme wa Austria



Mfalme wa Wafaransa,
Napoleon III




Násiri'd-Din Sháh
wa Uajemi



Papa Pius IX




Malkia Victoria
wa Uingereza



William I, Mfalme
wa Prussia

Uhamisho wa Bahá'u'lláh uliofuata ulikuwa ni Constantinople na baadaye, Adrianople, miji yote miwili iko Uturuki ya siku hizi. Kutoka Adrianople, Bahá'u'lláh, mfungwa na mhamishwa, Aliandika barua kwa wafalme na watawala wa dunia akiwaamuru kuwa wenye haki na kutumia uwezo wao kukomesha taabu na vita.



Akiwa Adrianople, kama hapo kabla umashuhuri wa Bahá'u'lláh ulisambaa kwa wakazi wa ukanda huo na serikali iliamua kumhamisha tena mbali Zaidi kwenye mji-gereza wa 'Akká. Hili lilikuwa gereza ambapo waharifu wabaya kabisa na wachochea maasi wa nchi walipokuwa wakipelekwa ili uwe mwisho wao.



Hali za gerezani zilikuwa kali kupindukia. Baadhi ya wafuasi wa Bahá'u'lláh walitembea safari ndefu hadi 'Akká lakini hawakuruhusiwa kufika mbele Yake. Wangeona tu kidogo umbo Lake akiwapungia akiwa ndani kwenye dirisha dogo la chumba Chake cha gereza.



Taratibu mashariti ya kifungo yalilegezwa kadri idadi iliyoongezeka ya watu katika eneo hilo walivyotambua uwezo na ukuu wa Bahá'u'lláh. Katika kipindi cha miaka ya mwisho ya maisha Yake, Aliishi kwenye Jumba la Bahjí nje kidogo ya kuta za gereza. Akiwa 'Akká, Bahá'u'lláh Alifunua vitabu vya mwongozo kwa binadamu kikiwemo Kitáb-i-Aqdas, Kitabu Chake Kitukufu Kabisa.



Mnamo Mei 1892, Bahá'u'lláh Alifariki. Mapumziko Yake huko Bahjí, sasa pakizungukwa na bustani nzuri ni Mahali Patakatifu Kabisa duniani. Kila mwaka maelfu ya watu kutoka sehemu zote za dunia hutembelea mahali hapo kutoa heshima zao na kufanya sala na taamuli katika mazingira yenye utulivu.

Hakimiliki © 2021 ya Udhhamini wa Ruhi, Colombia
Haki zote zimehifadhiwa. Toleo la 2.1.1.PE.PV (tafsiri ya muda) Septemba 2023, zilizochapishwa katika kiswahili

Taasisi ya Ruhi
Barua pepe: instituto@ruhi.org
Tovuti: www.ruhi.org